



Sud Bosne i Hercegovine
Суд Босне и Херцеговине

Broj: Su-08-73/24

Datum: 25.03.2024. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14 i 59/22) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05, 60/11 i 25/17) na preporuku Komisije za javne nabavke Suda BiH broj: Su-08-69/24 od 25.03.2024. godine u postupku javne nabavke usluge održavanje sistema unutrašnje kontrole za LOT 3 - održavanje PPZ aparata i hidrantske mreže i rezervni dijelovi – 50610000-4, donosim,

ODLUKU

o izboru najpovoljnijeg ponuđača za nabavku usluge
LOT 3 - održavanje PPZ aparata i hidrantske mreže i rezervni dijelovi

član 1.

Prihvata se preporuka Komisije za javne nabavke Suda BiH (u daljem tekstu: Komisija), broj: Su-08-69/24 od 25.03.2024. godine i okvirni sporazum za javnu nabavku usluge održavanje sistema unutrašnje kontrole za **LOT 3 - održavanje PPZ aparata i hidrantske mreže i rezervni dijelovi** - oznaka i naziv iz JRJN: 50610000-4 (usluge popravka i održavanja sigurnosne opreme), dodjeljuje se ponuđaču "**GRANULO-RE**" d.o.o. Sarajevo, sa sjedištem na adresi Bojnička 47, Ilidža, ponuda broj: 28-03/24 od 18.03.2024. godine i za ponudenu cijenu od **2.990,00 KM** bez PDV-a, okvirni sporazum se zaključuje sa ponuđačem na period od 2 godine i vrijednost okvirnog sporazuma iznosi 12.000,00 KM bez PDV-a.

član 2.

Okvirni sporazum u trajanju od dvije (2) godine dostaviti će se na potpis izabranom ponuđaču "GRANULO-RE" d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluge održavanje sistema unutrašnje kontrole i rezervnih dijelova po lotovima broj: Su-08-50/24 od 29.02.2024. godine. Javna nabavka je provedena putem otvorenog postupka broj: Su-08-52/24, a procijenjena vrijednost javne nabavke za LOT 3 - održavanje PPZ aparata i hidrantske mreže i rezervni dijelovi za dvije godine usluge je 12.000,00 KM bez PDV-a. Obavještenje o nabavci objavljeno je na portalu javnih nabavki BiH pod brojem 243-1-2-12/24 od 01.03.2024. godine sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge LOT 3 - održavanje PPZ aparata i hidrantske mreže i rezervni dijelovi. Komisija je blagovremeno i pravilno izvršila javno otvaranje ponuda dana 22.03.2024. godine i sačinila Zapisnik sa otvaranja ponuda koji je proslijeđen ponuđaču koji je učestvovao u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajući zapisnik u kojem je utvrđeno sljedeće: da je blagovremeno pristigla jedna (1) ponuda ("GRANULO-RE" d.o.o.), da nije bilo neblagovremeno zaprimljenih ponuda; da je pristigla ponuda ponuđača ocijenjena prihvatljivom u skladu sa tenderskom dokumentacijom.

Za ovaj postupak je predviđena e-aukcija. Pristigla je samo jedna (1) prihvatljiva ponuda od ponuđača "GRANULO-RE" d.o.o. Sarajevò, te u skladu sa Pravilnikom o uslovima i načinu korištenja e-aukcije, ista se ne može zakazati.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač "GRANULO-RE" d.o.o. Sarajevo izabran primjenjujući kriterij najniže cijene koja je ponudena u iznosu od **2.990,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

